

Adroddiad i'r:	Cabinet
Dyddiad y Cyfarfod	14 Rhagfyr, 2021
Aelod Arweiniol	Y Cyngorydd Hugh Evans, Aelod Arweiniol yr Economi a Llywodraethu Corfforaethol
Awdur yr Adroddiad	Emlyn Jones, Pennaeth Cynllunio, Gwarchod y Cyhoedd a Gwasanaethau Cefn Gwlad
Teitl	Cymeradwyo Cais Codi'r Gwastad Llywodraeth y DU – Etholaeth Dyffryn Clwyd

1. Am beth mae'r adroddiad yn sôn?

1.1. Mae'r adroddiad hwn yn ymwneud â Chronfa Codi'r Gwastad Llywodraeth y Deyrnas Unedig. Diben y gronfa yw buddsoddi mewn isadeiledd a fydd yn gwneud y gwelliant mwyaf i fywyd pob dydd, gan gynnwys hen ardaloedd diwydiannol, trefi difreintiedig a chymunedau arfordirol.

2. Beth yw'r rheswm dros lunio'r adroddiad hwn?

2.1. Mae angen gwneud penderfyniad i roi awdurdod wedi'i ddirprwyo i'r Prif Weithredwr a Phennaeth Gwasanaethau Cynllunio, Gwarchod y Cyhoedd a Chefn Gwlad mewn ymgynghoriad â'r Swyddog Adran 151, y Swyddog Monitro a'r Arweinydd, i gytuno ar gais Codi'r Gwastad i Lywodraeth y DU, ar gyfer Etholaeth Dyffryn Clwyd.

3. Beth yw'r Argymhellion?

- 3.1. Bod y Cabinet yn cefnogi thema'r cais, y prosiectau arfaethedig i'w cynnwys yn y cais a gwerth dangosol pob prosiect.
- 3.2. Bod y Cabinet yn rhoi awdurdod wedi'i ddirprwyo i'r Prif Weithredwr a Phennaeth Gwasanaethau Cynllunio, Gwarchod y Cyhoedd a Chefn Gwlad mewn ymgynghoriad â'r Swyddog Adran 151, Pennaeth y Gyfraith, AD a

Gwasanaethau Democrataidd a'r Arweinydd, i fireinio'r prosiectau a'r costau cysylltiedig yn ôl yr angen a chytuno i Gyngor Sir Ddinbych gyflwyno cais i Lywodraeth y DU ar gyfer Etholaeth Dyffryn Clwyd.

4. Manylion yr adroddiad

- 4.1. Bydd Cronfa Codi'r Gwastad Llywodraeth y DU yn cael ei ddarparu drwy awdurdodau lleol, sydd wedi'u gosod yng nghategori 1, 2 neu 3, gyda chategori 1 yn cynrychioli'r llefydd gyda'r lefelau uchaf o angen. Mae Cyngor Sir Ddinbych yng nghategori 1.
- 4.2. Bydd nifer y ceisiadau y gall awdurdod lleol (ALI) eu gwneud yn ymwneud â nifer yr Aelodau Seneddol yn eu hardal. Gall ALI gyflwyno un cais ar gyfer pob AS y mae eu hetholaeth gyfan wedi'i lleoli o fewn ffiniau'r sir. Os yw'r etholaeth yn cynnwys mwy nag un ALI, bydd yr ALI hynny'n gweithio gyda'i gilydd, ond fe ddylai un ALI gymryd cyfrifoldeb fel y prif gynigydd. Mae etholaeth Dyffryn Clwyd yn gyfan gwbl o fewn ffin Cyngor Sir Dinbych.
- 4.3. Gall pob ardal etholaeth wneud cais am hyd at £20 miliwn o gyllid cyfalaf. Gall y ceisiadau ymwneud â phrosiect penodol neu gall fod yn gais am becyn o hyd at dri prosiect, ond mae'n rhaid iddynt alinio gyda'i gilydd a chynrychioli cyfres cydlynol o ymyraethau.
- 4.4. Bydd y cais am etholaeth Dyffryn Clwyd am yr uchafswm o £20M. Nid yw'r achosion busnes manwl wedi cael eu datblygu'n llawn eto. **Mae'r costau yn atodiad 1 yn cynnig ffigurau bras ac yn ddarostyngedig i addasiadau.**
- 4.5. Dylid ymgynghori ag Aelodau Seneddol, ac fe ddylen nhw gefnogi'r ceisiadau. Anogir cyfranogiad gan fudd-ddeiliaid lleol eraill hefyd. Mae pob ALI wedi derbyn £125,000 o gyllid galluogi i'w helpu i ddatblygu eu cynigion.
- 4.6. Dim ond un cais a ganiateir i'r Gronfa gan bob etholaeth, a bydd yn rhaid eu cwblhau erbyn mis Mawrth 2024. Mae'n rhaid i bob cais gydymffurfio ag un neu fwy o'r tair thema (i) buddsoddiadau cludiant, (ii) adfywio a buddsoddi yng nghanol y dref a (iii) buddsoddiad diwylliannol. Roedd dyddiad cau y rownd gyntaf o geisiadau ar 18 Mehefin 2021. Nid yw Llywodraeth y DU wedi cadarnhau dyddiad penodol ar gyfer yr ail rownd eto, fodd bynnag, nodwyd pan

lansiwyd y Gronfa y byddai'r dyddiad cau ar gyfer yr ail rownd o gwmpas mis Rhagfyr 2021.

4.7. Mae tair etholaeth AS yng Nghyngor Sir Ddinbych:

Dyffryn Clwyd (James Davies AS);

Gorllewin Clwyd (David Jones AS);

De Clwyd (Simon Baynes AS).

Cyflwynwyd y cais ar gyfer De Clwyd yn y rownd gyntaf, ac roedd y cais yn llwyddiannus.

4.8. Mae'r adroddiad hwn yn ymwneud â chais rownd 2 ar gyfer etholaeth Dyffryn Clwyd.

4.9. Mae'r Arweinydd a'r Uwch Swyddogion wedi cyfarfod sawl gwaith â James Davies AS i drafod buddsoddiadau â blaenoriaeth ar draws etholaeth Dyffryn Clwyd. Mae James Davies wedi cymeradwyo'r cais ac mae llythyr cefnogaeth ynghlwm yn **Atodiad 2** yr adroddiad hwn.

4.10. Ymgynghorwyd hefyd gydag Aelodau Lleol ar draws pob Grŵp Ardal Aelodau. Mae pob prosiect a gyflwynwyd wedi cael eu hystyried yn erbyn meini prawf y Gronfa Codi'r Gwastad a dyddiadau cau cyflawni. Ymgynghorwyd ag aelodau'n unigol am brosiectau cymwys ac anghymwys. Cynhaliwyd cyfarfodydd Grŵp Ardal Aelodau pellach i roi gwybod i Aelodau am y prosiectau hynny sy'n debygol o gael eu cynnwys yn y cais.

4.11. Mae cais Dyffryn Clwyd yn ffurfio dau brosiect cydlynol sy'n targedu prosiectau Adfywio Canol y Dref ac Adfywio'r Amgylchedd. Bydd gwella tir cyhoeddus a gwyrddu ym Mhrestatyn a'r Rhyl yn benodol ynghyd â phrosiectau Adfywio'r Amgylchedd yn dod â llawer o fuddion i gymunedau lleol gan gynnwys gwella lles wrth ddenu twristiaeth pellach a chryfhau gweithgaredd economaidd cysylltiedig. Gweler Atodiad 1 am restr lawn o'r prosiectau arfaethedig i'w cynnwys yn y cais.

5. Sut mae'r penderfyniad yn cyfrannu at y Blaenoriaethau Corfforaethol?

5.1. Mae'r prosiectau yn y cais yn ceisio cael effaith weledol mewn ardaloedd lleol, yn arbennig yr ardaloedd sydd â'r lefel uchaf o angen. Mae adfywio wrth wraidd

y cais, a lle bo modd, ymgorfforir teithio llesol, cysylltiad gwell gyda chanol y dref a datblygu mannau gwyrdd i fod yn hygyrch i bawb yn y cais. Bydd y cynnig felly'n cyfrannu at y polisïau corfforaethol yn ogystal â darparu buddion i'r gymuned leol.

6. Faint fydd hyn yn ei gostio a sut y bydd yn effeithio ar wasanaethau eraill?

- 6.1. Darparwyd cyllid galluogi er mwyn galluogi ALI i ddatblygu ceisiadau. Bwriedir i weithgareddau'r prosiect alluogi'r ALI i gyflymu rhai o'i gynlluniau arfaethedig ac o ganlyniad, mae'n bosibl y bydd angen adnoddau ychwanegol yn gynt na'r disgwyl. Disgwylir cyllid cyfatebol o 10% i gyd-fynd â'r cais.

7. Beth yw prif gasgliadau'r Asesiad o'r Effaith ar Les?

- 7.1. Mae Asesiad o Effaith ar Gydraddoldeb wedi ei gynnal. Y prif gasgliadau yw, bod nifer o effeithiau cadarnhaol yn ddisgwylidiedig, ond o ystyried bod y datblygiad yn ei ddyddiau cynnar, mae cyfle i ymestyn y rhain a lleihau rhai o'r effeithiau negyddol a amlinellwyd drwy gynllunio trylwyr a datrysiadau arfaethedig gan yr arweinwyr prosiect amrywiol a monitro cyffredinol. Mae'n bwysig nodi y bydd gwaith ymgynghori ac ymgysylltu â'r gymuned yn parhau ac yn cael ei ddatblygu ymhellach wrth i'r prosiectau ddatblygu.

8. Pa ymgynghoriadau sydd wedi'u cynnal gyda Chraffu ac eraill?

- 8.1. Mae ymgynghoriadau wedi cael eu cynnal gyda phob un o Grwpiau Ardal yr Aelodau ddwywaith, y Cynghorau Tref, Aelodau unigol ac mae cyfarfodydd wedi cael eu cynnal gyda'r AS, James Davies.

9. Datganiad y Prif Swyddog Cyllid

- 9.1 Mae'r Gronfa Codi'r Gwastad yn ffynhonnell gyllid bwysig i helpu i adfywio'r ardal. Mae llawer o waith ymgynghori wedi cael ei gwblhau gan y tîm er mwyn penderfynu ar y tri chais sydd ar y rhestr bresennol ar gyfer Dyffryn Clwyd. Gallaf gadarnhau y bydd y gofyniad arian cyfatebol ar gael drwy gydol rhaglen y Gronfa Codi'r Gwastad, fodd bynnag, gobeithir y bydd modd cael mynediad at rywfaint ohono gan ffynonellau allanol. Bydd y cynigion wedi cael eu rhannu â'r GBS erbyn i'r Cabinet gyfarfod a bydd adborth yn cael ei ddarparu bryd hynny.

10. Pa risgiau sydd ac a oes unrhyw beth y gallwn ei wneud i'w lleihau?

10.1. Bydd proses benderfynu gadarn yn ei lle i gymeradwyo'r cais, yn cynnwys cytundeb uwch swyddogion allweddol a'r Arweinydd.

11. Pŵer i wneud y penderfyniad

11.1. Adran 111, Deddf Llywodraeth Leol 1972. Adran 2, Deddf Llywodraeth Leol 2000. Y pŵer i ymgymryd â gweithgareddau i hyrwyddo lles cymdeithasol, economaidd neu amgylcheddol yr ardal.